

華東師範大學圖書館藏稀見方志叢刊 七

黃秀文 吳平 主編

北京圖書館出版社

三山志卷第六

地理類六

江湖

水路視潮次停泊猶驛鋪也循州境東出漲海萬里潮隨月長晝夜至如符契道閩安之上江面澄濶別爲西峽逾于南臺皆會于懷安進而至湯背止以與溪流接白愛漳東下縈紆數百里危徑狹過行者蚕足輕舟朝發乃一夕可至南望交廣北睨淮淝渺若一塵乘風轉柁顧不過三數自僞閩

時蠻那放椿且次江岸 國初六縣鹽舸徑輸州
倉以達于上四郡今福清長樂涵頭歲運未嘗停
民無酤米釀作兩溪糯粒舳舻相銜歲小儉穀價
海涌南北艦困載歛至城外其諸貨寶回往不可
名計浮于海達于江以入于河莫不有潮次云

初一十六 午

初二十七 午

初三十八 未

初四十九 未

初五二十 申

初六廿一 申

初七廿二 酉

初八廿三 酉

初九廿四 卯

初十廿五 卯

十一廿六 辰

十二廿七 辰

十三廿八 巳

十四廿九 巳

十五三十 巳未午初此潮入州城內河之候也江潮常緩海潮三刻至入河則

又少遲耳

海道

自迎仙至莆門平行用退潮十有五 海不計里

一潮迎仙港乘半退里碧頭

迎仙港自興化三百里合桃源水爲大溪過迎

仙市爲子魚潭

三百步

歷福清黃茅墩

墩南江上三千餘家

屬興化人煙如海口鎮其墩溪漲海湧皆不能沒

合蒜溪東流過浮山

三里合徑江入海

潮至子魚潭

徑港源出興化縣界

金支大澤至裏洋合黃蘗山南水十里名漁溪

過應天院一源出黃蘗山北過鐵場邊北流東

折合漁溪入徑港南至棉亭東出烏嶼門又南

至雙嶼頭爲二東出白嶼西出後嶼門合於昭

靈廟前會迎仙港入海

潮至應天院前

東南匿草嶼塘嶼

昭靈廟下光風霽日窮目力而東有碧峯然乃

琉球國也每風暴作釣船多為所漂一日未至其界其水東流而不返莎蔓錯織不容謂花澤者必至而後已其國人得之以籐串其踵令作山間蓋其國剝木為孟乃能周旋莎蔓間今海中大姨山夜忌舉火慮其國望之而至也

二潮過洛化洋牛頭門泊寄沙

多水

三潮至燕錫泊婆弄灣

一名暴霜聲相近

東 草嶼

四潮半退至銀盞舷乘半漲取錢藏出止馬門

為過

淺遡朝不克所以必待半漲也元豐二年嘗移海口巡檢於此

西 海口鎮

海口源出興化縣界流爲百丈溪二百餘里至

假面爲橫路溪

卽無患溪也

東流二十里合石墘溪

至水陸院合東溪經福清縣河頭豬爲琵琶洋

十八里至海口入海

潮至水陸院西

鹽埕歲管納海口

倉七百萬斤經南交輸懷安倉

葉廷珪記埕有三等沙埕爲上

夾沙次之泥埕爲下埕喜受潮信退則易乾實漏坵則易淋故爲上半沙半泥故爲次泥涇距潮且難乾淋故爲下大埕一二畝小者半畝大水取信小水暴乾蓋海水鹹鹵過埕則鹵歸土中日暴則鹹乃凝白花取海水淋之煉爲鹽示猶膽水浸鐵水中自有銅性遇鐵澁住故烹鐵而得銅也一月之間大水六日初一至初三十六至十八晴明則土信可收雨濯則土信敗矣

一年之間惟五六月八月土信特厚蓋烈日之功也故舊法六月起火八月住火

東鹽與

蘇鹽

鍾門

昔人沒鐘於此漸退蒲牢微見

五潮半退過帆洋

狀如帆

泊大小練

二練門相去十里無便風停留

月踰

西北

松林塞

六潮出練門至東西洛止

雖近過此無泊所

七潮泊慈灣

勅號慈孝祥

西長樂櫓過港

長樂溪源極微大槩豬為陂潮溢則洩而入海

八潮轉南交山時海中

港內沙淺大潮二丈六尺小潮丈有九尺最為險阨

地理

舟人多於慈灣候便及晨潮方挾櫓而濟便風則自外洋縱綵僞閩時蠻貊至福州城下國朝以南交之險遂置司溫陵時有飄風入港者

嶺口鹽埕

千歷與頭永豐石馬沙坑鄭湖間山

歲納二百四十二

萬斤

舊三百萬斤

陸運二十里避南交之險輸長樂

倉

西梅花灣

閩安鎮港源出處州龍泉東流經松

溪政和一出建寧之浦城一出于崇安其間小

溪數十匯於建城出南劍之東曰東溪一出邵

武之光澤北流經順昌至沙溪北一出汀州之

寧化清流沙縣之西合流至南劍與東溪合百

八十里至水口左合古田縣

源出建寧界東南流號橫溪至上生

院南合薦溪潭水數里合桃溪東流至縣東北隅龍津橋合東北溪知縣李堪名曰潤澤南經

戴星洲鳴玉灘磨劍石下百丈入大溪故曰水口過大小淫乃無灘平

流至猴山右納閩清水

源自蓋平里合仁壽孝順金沙等里小溪上人

多以小艇力勝至江口勝於巨舟乃浮江而下小溪有三橋良石普賢寶山通尤溪黃洋諸場

尤小者土民次龜溪唐大曆中有女子浣紗溪堰以溉田次為龜所食其父哭之哀

既而得龜乃烹以釋憤名士多為記述其山源深險多不逞民盜販茗鹵官莫誰何俗號七村

裏龜次左納大目溪次右小目溪

源出閩清縣界六七十里入江

次螺女江

候官縣西北三十里按神記閩人謝端江濱得大螺一畜之家每出歸盤

殮必具乃陰伺兄一妹麗甚遂突入問之曰我天漢中白水素女也帝哀卿少孤為卿具食今悉不可止卿宜以居糧可使盡布更盈言訖化去端如其言資給數世今足跡尚存或曰江形

如螺至甘蔗北分數里復合至石門南分

赤岸山尾與瀉

山尾相迎如門水中石闕

過石門為馬瀆江中流至洪塘

岐為二北行者為南臺江納北山眾流

桑溪至鵞鼻嶺

經大坑嶺出東峯後至茶焙浦通潮鱔溪至浦東橋通潮

過鼓山南行者合

馬瀆江納永福溪

源自南劍尤溪縣西流至泉州德化縣南流至永福洪口

臣會溪流行七十里合德化縣游洋青桐溪至重光寺前六十里合閩清縣界水至大車六

里合福清縣界十八溪入江縣以西有師姑等六灘東有太原等十灘不為害潮至保安里沂

三十里

金崎江

閩縣東西南七十里昔漁者於此釣得金鏐因見金牛急挽至

岸俄而鏐絕猶得二尺許因名金崎江寰宇記晉康帝詔於此立廟

螺洲

洲形也在大義

西北納龍泉坑溪

合大義江瀨江出西峽門合琅崎江

西浦溪出福清縣界經泥嶼至琅崎接潮一溪出長樂縣界至白田接琅崎嶼

會鼓山

之派經石馬鷄嶼洋

中有石號獅子對方山巨浸未嘗沒俗謂水浸方山

鼻不到獅子耳

抵東峽二十里入海

潮由西峽上者先至洪塘由南臺上

者差遲大潮至大箬南臺江中有洲數里潮至鼓山分為二南廣而北狹由北上者入直瀆浦

由南上者涉洲尾又東流而與之遇諺謂南臺江水顛倒流以此

東 劉崎 王埔 湖江

九潮至角埕 每歲二月烏頭數萬至自東海萃于此 泊關灣

西 荻蘆 連江東南四十里有九龍江根連鼓山相傳秦始皇以東南氣王自江而南秀

拔者皆鑿之至是得蘆根長可數丈朝屬暮合終不殊執役者夢有告曰鋤鍾可夕置勿收乃

如其言血流而絕通水成峽 蛤沙 萬海小港赤崎連江港

源出古田葺洋界至七猴渡之北合小溪南流至潘渡橋一出羅源界號曰巖溪南至朱令橋

合實山院前丹陽溪西南流至興寧廟前與潘渡溪合西南流合參溪水至峽口鎮入海

東 鄭崎 官與 雙髻魚 土花鹽場 今廢

十湖轉北交 聚石為灘連接海岸南北交差易 泊東西洛

西羅源港

源自蔣山溪白塔院至四明橋合龍潭溪過務前合古弄溪至欄頭鋪入江又

下倪南北溪經觀前橋至欄頭鋪前與廉灣

俗呼

蔣山溪合入松崎江入海潮過四明觀

廉中
南灣寨

東黃土山

十一潮至水灣

西官井洋港西源出處川龍泉界首溪東流百里

至斜灘過載首合松潭溪白溪

紹興初廢

至廉首村

一出政和縣界經麻嶺至繆洋三十里至廉村

會龍泉溪南流爲過甘棠港

舊有巨石屹立波間舟多覆溺唐天

祐元年琅琊王審知具太牢禱于神將刊之是夕雷雨暴作石皆碎解遲明安流如砥昭宗詔獎之賜號甘棠神曰靈顯侯三年賜德政碑五代史謂閩人私號誤矣黃崎嶺

潮東

至白沙西至廉首各距四十里舟行一潮至由鎮陸行各百里白沙溪船至斜灘廉首溪船至

洋北源出政和界至外渺程家渡南合甘露溪

茲溪經深浦渡至長境平水分爲二潮至金垂

一出古田山谷合周仙湖東流爲穹窿溪又東

爲晡溪又東爲淀尾經赤鑑門一出古田至游

溪合羅源山溪至溪口村同出于三巖寨之左

一出羅源飛泉渡出于三巖之右匯于官井洋

風濤險惡
號三港口 東入于海

東浮膺山

十二潮轉驢頭山泊斗米

近有大小金灣 鹽埕

寧德縣納

十三潮泊桃門筋竹山

西松山港

古識松山沙徑合朱紫出其間

西源號長汀溪自白巖

十五里經建善寺至沙塘北源自赤岸灣村龍

潭至大橋經鹽埕合沙塘而東入海

潮東行者至大橋西

斗門 次西烏崎港源出西鄉蔗洋八十里至